



Samstarfssamningur Mosfellsbæjar og Motocrossfélagsins MotoMos

Mosfellsbær kt. 470269-5969 og Motocrossfélagið MotoMos kt.511202- 3530, gera með sér svohljóðandi samstarfssamning:

1. grein

Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt íþróttastarf í Mosfellsbæ.

MotoMos skal hafa það að markmiði í starfsemi sinni að bjóða börnum og unglingum skipulagt íþróttastarf undir leiðsögn menntaðra og hæfra leiðbeinenda þar sem lýðheilsa og forvarnargildi íþróttar er haft að leiðarljósi. Samhliða að leitast við að hlúa að keppnis- og afreksíþróttafólki þannig að það náð sem bestum árangri.

Mosfellsbær mun styðja við fjárhagslegan rekstrar- og starfsgrundvöll deildarinnar með samkomulagi með beinum fjárframlögum.

Mosfellsbær hvetur íþróttar- og tómstundafélög bæjarins til að auka framboð íþróttar og tómstunda fyrir börn með sérstakar þarfir og börn með fjölbreyttan tungumála- og menningarbakgrunn til samræmis við stefnumörkun Mosfellsbæjar á þeim sviðum á hverjum tíma. Unnt er að sækja um fjárstuðning til menningar-, íþróttar- og lýðheilsusviðs fyrir nýsköpun og þróun verkefna sem styðja við ofangreind markmið.

2. grein

Framlög Mosfellsbæjar

Mosfellsbær greiðir samkvæmt þessum samstarfssamningi Motocrossfélaginu MotoMos árleg fjárframlög og skal félagið ráðstafa þeim á eftirfarandi hátt til starfsemi félagsins:

1.264.707 kr. Framlag til barna- og unglingastarfs

Framlaginu skal verja til barna- og unglingastarfs félagsins. Framlag hvers árs tekur mið af breytingum á launavísitölu útgefinni í ágúst árið áður, auk 3,5% á ári til að mæta væntanlegri fjölgun iðkenda. Gera skal grein fyrir því hvernig framlaginu er varið í reglulegum skýrslum til Mosfellsbæjar.

330.769 kr. Framlag til afreks- og styrktarsjóðs

Framlaginu skal verja til að styðja almennt við einstaklinga eða hópa innan MotoMos, sem verið hafa til fyrirmyndar. Einnig að veita leiðbeinendum félagsins styrk til að efla þá í

RA'
HR

starfi. Framlag hvers árs tekur mið af breytingum á launavísitölu útgefinni í ágúst árið áður, auk 3,5% á ári til að mæta væntanlegri fjölgun iðkenda. Gera skal grein fyrir því hvernig framlaginu er varið í reglulegum skýrslum til Mosfellsbæjar.

Styrktaraðstaða og afnot af sundlaugum

MotoMos hefur aðgang að styrktarþjálfunaraðstöðu Aftureldingar að Varmá fyrir afreksíþróttafólk félagsins. Afturelding annast gerð stundaskráa fyrir öll íþróttafélög bæjarins vegna styrktarþjálfunarinnar.

Stjórn félagsins er heimilt að skila inn til forstöðumanns íþróttamannvirkja í Mosfellsbæ nöfnum allt að 5 einstaklinga í afreksíþróttum undir merkjum MotoMos sem fá frí afnot af sundlaugum bæjarins.

358.907 kr. Afnot af eigin íþróttamannvirkjum

Framlag Mosfellsbæjar vegna afnota MotoMos af eigin íþróttamannvirkjum til æfinga fyrir börn og unglinga félagsins. Þetta tekur til æfingaaðstöðu innan- og utandyra, keppnisvallar og félagsheimilis. Framlag hvers árs tekur mið af breytingum á byggingarvísitölu útgefinni í ágúst árið áður, til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

Framlag til greiðslu fasteignagjalda vegna fasteigna í eigu MotoMos

Á hverju ári samningstímans skal Mosfellsbær veita MotoMos fjárframlag til greiðslu fasteignagjalda af fasteignum sem eru í eigu félagsins og eru nýttar sem slíkar.

Framlag til sumarstarfa

Mosfellsbær veitir árlega styrk vegna sumarverkefna félagsins sem samsvarar launum fyrir eitt stöðugildi. Styrkurinn felst í launagreiðslum frá Mosfellsbæ og er ákveðinn í samræmi við sambærileg sumarstörf (16 ára og eldri) hjá bænum. Stjórn MotoMos, í samráði við framkvæmdastjóra/formann félagsins, tekur ákvörðun um hvernig fjármagninu er ráðstafað innan félagsins.

3. grein Greiðslur framlaga

Framlög eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á launavísitölu útgefinni í ágúst árið áður, í fyrsta sinn ágúst 2024 vegna greiðslna fyrir 2025. Gera þarf grein fyrir því hvernig framlögin eru nýtt í skýrslum sem Hörður skal útbúa og senda til Mosfellsbæjar þegar eftir þeim er leitað. Öll framlög til félagsins verða gerð sýnileg á vef bæjarins, auk ársuppgjörs MotoMos þegar það liggur fyrir.

Félagið skal senda Mosfellsbæ reikninga fyrir fjárframlögum skv. þessari grein. Dagsetning reiknings skal vera 1. dagur þess mánaðar sem kveðið er á um í greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á

RA'
B

innsendum reikningi. Félaginu er óheimilt að veðsetja eða ávísa greiðslum skv. samstarfssamningi þessum til þriðja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

4. grein

Samskipti samningsaðila

Stjórn MotoMos tryggir að erindi til Mosfellsbæjar fari um stjórn félagsins. Mosfellsbær tryggir að erindi sem berast með öðrum hætti en frá stjórn MotoMos verði ekki tekin til umfjöllunar í nafni félagsins.

Íþrótt- og tómstundanefnd Mosfellsbæjar kemur fram fyrir hönd Mosfellsbæjar varðandi framkvæmd samningsins. Leiðtogi íþrótt- og lýðheilsamála Mosfellsbæjar annast dagleg samskipti við MotoMos varðandi framkvæmd samningsins.

Framkvæmdastjóri/formaður MotoMos kemur fram fyrir hönd félagsins gagnvart Mosfellsbæ varðandi dagleg samskipti og nánari framkvæmd samnings þessa.

Motomos tekur þátt í starfi samstarfsvettvangs íþrótt- og tómstundafélaga í Mosfellsbæ.

Íþrótt- og tómstundanefnd fundar einu sinni á ári með fulltrúum MotoMos.

5. grein

Ábyrgð stjórnar Motomos

Framkvæmdastjóri/formaður félagsins, í umboði stjórnar, skal bera ábyrgð á fjármálastjórn félagsins og tryggja að bókhald sé reglulega og réttilega fært og skal það liggja fyrir 31. desember ár hvert.

Allir styrkir og framlög Mosfellsbæjar greiðast til stjórnar og annast framkvæmdastjóri/formaður frekari ráðstöfun greiðslna í samræmi við samþykktar rekstrar- og fjárhagsáætlun félagsins.

Stjórn MotoMos ber ábyrgð á skuldbindingum félagsins og tryggir að þær séu ávallt í samræmi við skráðar áætlanir og samþykktir stjórnar. Aðrar skuldbindingar sem einstakir aðilar innan félagsins kunna að gera án skriflegrar heimildar eða samþykktar stjórnar eru á ábyrgð þeirra sem til þeirra stofna.

MotoMos skuldbindur sig til að hækka ekki æfingagjöld umfram launavísitölu á samnings- tímanum. Komi hins vegar til þess að forsendur félagsgjalda breytist, til að mynda ef æfingum eða þjálfurum er fjölgað, er MotoMos heimilt að endurskoða æfingagjöld og upplýsa Mosfellsbæ.

Lögð er rík áhersla á að íþróttafélög Mosfellsbæjar séu viðurkennd sem fyrirmyndarfélög og mæti kröfum ÍSÍ um endurnýjun, auk þess sem handbækur deilda séu aðgengilegar á vef félagsins. Í samræmi við 16. gr. íþróttalaga nr. 64/1998 og 10. gr. æskulýðslaga nr.

RA'
✶

70/2007 er MotoMos óheimilt að ráða aðila til starfa, til að sinna börnum og ungmennum yngri en 18 ára, sem hafa hlotið refsíðm fyrir brot á ákvæðum XXII. kafla, 211. eða 218. gr. almennra hegningarlaga nr. 19/1940 og skal það sama gilda um aðila sem hlotið hafa refsíðm fyrir brot gegn lögum um ávana- og fíkniefni síðastliðin fimm ár. Tekur framangreint einnig til sjálfboðaliða sem falin er umsjón með börnum og ungmennum yngri en 18 ára.

Félagið skal við framkvæmd samningsins huga sérstaklega að því að mæta þörfum barna með sérstakar þarfir og barna og ungmenna með fjölbreyttan tungumála- og menningarbakgrunn í samvinnu við Mosfellsbæ. Jafnframt skal félagið vinna jafnréttisáætlun sem skal taka mið af jafnréttisáætlun Mosfellsbæjar og skipuleggja starf sitt með þarfir og hagsmuni allra kynja í huga. Félaginu ber einnig að taka tillit til lýðheilsu- og forvarnarstefnu Mosfellsbæjar við skipulag starfsemi sinnar og framkvæmd viðburða. MotoMos skal setja upp áætlanir varðandi fræðslu og viðbrögð við eineltismálum í samvinnu við Mosfellsbæ.

Mosfellsbær áskilur sér rétt til að skilyrða allar fjárveitingar til MotoMos þannig að félagið setji sér siðareglur, viðbragðs- og aðgerðaráætlun í tengslum við þær. Þá skal MotoMos fræða starfsfólk sitt um hvað teljist kynferðisleg áreitni og/eða ofbeldi og hvað teljist annað ofbeldi. Einnig skal félagið stofna og/eða hafa aðgang að óháðu fagraði sem tekur á móti ábendingum og kvörtunum iðkendum og ábyrgðaraðila.

6. Grein

Upplýsingaskylda Motomos

Stjórn MotoMos ber ábyrgð á rekstri félagsins og skuldbindur sig til að leggja fram gögn um fjárhagsleg málefni félagsins hverju sinni þegar eftir því er leitað af hálfu fulltrúa Mosfellsbæjar.

Stjórn MotoMos skal leggja fram starfs- og fjárhagsáætlun fyrir næsta starfsár eigi síðar en 31. desember ár hvert.

Gögnin verða hluti þeirra upplýsinga sem birtar verða á vef bæjarins um hvernig fjármunum sveitarfélagsins er varið.

RAI
BE

7. Grein

Endurskoðunarákvæði og gildistími

Samningurinn gildir frá 1. janúar 2025 til 31. desember 2027 og fellur þá úr gildi án uppsagnar. Verði meiriháttar breytingar á forsendum fyrir rekstri MotoMos á samningstímabilinu getur félagið óskað eftir viðræðum við Mosfellsbæ. Fyrir 1. september 2027 skulu samningsaðilar endurskoða samninginn með það að markmiði að nýr samningur taki gildi í upphafi árs 2028.

Mosfellsbær 27. febrúar 2025

Fh. Mosfellsbæjar

Fh. Mótocrossfélagsins MotoMos

Regína Ásvaldsdóttir
bæjarstjóri



F.h.

Sveinbjörn Nikulásson
formaður

